

大清會典

兵部



大清會典

兵部



職方清吏司郎中。滿洲五人。漢二人。員外郎。滿洲二人。蒙古一人。漢一人。主事。滿洲一人。蒙古一人。漢二人。

掌武職官議處議敘議卹。共甄別考察簡閱巡防之事。掌凡關禁海禁。

○凡處分有八旗例。有綠營例。八旗驍騎前鋒護軍步軍火器

健銳 圓明園護軍各營。及各省駐防處分。皆用八旗例。其鑾儀衛滿洲 及白塔信礮官城

門領。城門吏。並滿洲蒙古漢軍世職官處分。亦附於八旗例。各省陸路水師各營處分。用綠營

例。其河營。門衛。及漢侍衛。鑾儀衛漢軍官。並漢世職。武進士。武舉等處分。亦附於綠營例。

按條以定議。有專例者。各議以本例。無專例者。或比照他例。或加等減等。或酌議

請 旨。或比刑律答五等杖五等。分別公私。準以罰俸降革。並如文職。檢舉者。八

旗參領若總管而下。綠營副將而下。則減議。副

都統若總兵而上。則請

旨。八旗在京參領以下。在外駐防三品以下。綠營副將以下。自行檢舉者。各按應得處分減議。副都統

總兵以上。自請檢舉。及屬員檢舉者。各將處分及寬免之處。兩議請 旨。其事出營私。或先

經發覺。及罪已論決者。雖凡抵以級紀者。公罪檢舉。不准寬減。並如文職。准以

加級紀錄抵銷。私罪及特旨降罰者。六法劾參者。不准抵銷。並如文職。軍功所

敘。則倍其抵。軍功加一級。給還尋常加一級。抵降一

級。軍功紀錄一次。抵罰俸一年。銷去軍功紀錄一次。給還尋常紀錄一次。抵罰俸六月。其京員

罰俸不及六月者。註冊合計。並如功加者。得功文職。各省駐防官。亦准合計抵銷。

牌者。各辨其等而抵焉。

一。功加一等。准作軍功加

加級紀錄者。一等功牌。換給軍功加一級。又軍功紀錄一次。二等功牌。換給軍功加一級。三等功牌。換給軍功紀錄三次。四等功牌。換給軍功紀錄二次。五等功牌。換給軍功紀錄一次。軍

營降者。罰者。皆停以俟。竣至革職。則請

旨。屯防亦如之。

派往出兵及新疆駐劄屯防各官。遇

降之級。仍留効力。准食原俸。至事竣日。請旨。革職者。以應否開缺。或作兵丁効力。請

旨。停開缺者。准食半俸。大臣於事竣之日。由部再行具奏。侍衛章京。由該管大臣出考送部引

見。作兵丁効力者。事竣後毋庸具奏。革職

留營効力者。亦准食半俸。其原係自備資斧効力。遇降革處分。仍留効力者。不准支食俸餉。留營効力之大臣。續經補授京職。回京後。由部具奏請旨。如於差所補授外任者。由部將可否改為革職。留任帶於新任之處。請旨。

凡官戴罪者。得功則開復。

戴罪圖功人員。因公降革。留於地方効力

或留緝人員。如續有功績。案犯全獲。獲犯過半者。千總以上。引見開復。把總以下。題請開復。其餘或按年。或計案。或遇恩赦。或完繳俸銀。或本案審虛。或帶於新任開復者。並如

文職。

○凡軍功文武官皆下於部而議焉。

文職官有軍功應敘

者亦由部定議奉旨後咨吏部註冊。

凡敘軍功八旗營總而下

予功牌。

功牌有五等。其製紫綾面。紙裏。螭紋邊。書其功績年月。鈐用兵部印。一等者長

二尺八寸。二等者長二尺四寸。三等者長二尺二寸。四等者長二尺。五等者長一尺八寸。綠

營副將而下予功加。

功加以加等多寡為差。其不及功加一等者。給軍功

紀各以其等。

出眾効力者。八旗給一等功牌。綠營功加一等。加三等功牌。綠營功加一等。加

軍功紀錄五次。一等軍功。八旗給一等功牌。綠營功加一等。加軍功紀錄二次。二等軍功。八旗給二等功牌。綠營功加一等。加軍功紀錄一次。三等軍功。八旗給三等功牌。綠營軍功紀錄三次。四等軍功。八旗給四等功牌。綠營軍功紀錄二次。五等軍功。八旗給五等功牌。綠營軍功紀錄一次。其奉

旨從優議敘。則出眾効力者。八旗給一等功牌。綠營功加四等。一等軍功。八旗給一等功牌。加三等功牌。綠營功加三等。二等軍功。八旗給二等功牌。加四等功牌。綠營功加二等。三等軍功。八旗給三等功牌。加五等功牌。綠營功加一等。軍功之等。敵眾我寡。攻戰得獲者為一等。敵兵眾多。我兵畧少。攻戰得獲者為二等。兵數相

等。攻戰得獲者為三等。我兵衆多。敵兵畧少。攻戰得獲者為四等。我衆敵寡。攻戰得獲者為五等。由統兵大臣分別等第咨部定議。副都統總其未分等第者。照三等軍功議敘。

兵而上予級紀。

八旗副都統。綠營總兵以上。除專例定有給予功牌功加者。仍

照專條議給外。其奉

旨議敘。及從優議敘

者。俱按軍功之等。予以軍功加級紀錄。不給功

牌功加。其係領兵大臣。亦由統兵大臣分別等第咨部。如係統兵大臣。由部按其功績分別議

敘。

文職官亦如之。

文職軍功議敘。亦按出衆効力及五等功。分別予以軍功

加級紀錄。優敘者。按一二三等。分別予以軍功加級。

土司亦如之。

土司軍功議敘。

保列出衆者加銜一等。其餘分別一二三等。亦予以軍功加級紀錄。優敘。則保列出衆者加銜一等。再加軍功加一級。一等者加銜一等。二三等者。分別予以軍功加級紀錄。凡得功牌者。功加者。有

旨授爵。則按其官與其得功之等而定議。

八旗功牌。綠營功加。

俱註冊存案。如奉

旨交部議給世爵者。各

按其官階。與所得功牌功加之數。分別定議。八

旗一二品官。有一等功牌。二三四五等功牌

各一。三四五品官。有一等功牌。二三四五等

功牌各一。六品官。有一等功牌。四。二三四五等

功牌各一。七品以下官。有一等功牌。五。二三四

五等功牌各一。准授一雲騎尉。其多一上等功牌者。准抵作下等功牌計算。如多一下等功牌。不准抵作上等。綠營提督有功加十等。總兵有功加十二等。副將有功加十四等。叅將有功加十六等。遊擊有功加十八等。都司有功加二十等。守備有功加二十二等。千總有功加二十四等。俱授一若破陣。大兵所到。或敵人掘塹樹柵。雲騎尉。排列捱牌。或大列陣勢相敵。我兵攻戰。敵兵不動。有能超衆前進。衆皆隨後。敗敵者。首進一人。第二人。第三人。皆敘功給賞。八旗執纛人。首進者亦敘功給賞。次進。再次進者。祇給賞。如官兵前進將及十人。執纛人續進者。第一執纛人仍給賞。齊力交鋒之際。有能於本旗本營之前超衆前進。一旗一營隨後克敵。

者。八旗三人。綠營二人。皆敘功給賞。八旗執纛人。首進者亦敘功給賞。次進。再次進者。祇給賞。如前進將及十人。執纛人續進者。第一執纛人亦給賞。若攻城。攻城之功。小別為四等。府城為一等城。州城為二等城。縣城為三等城。衛所城為四等城。八旗攻城之功。惟別為三等。衛城與州城同。所城與縣城同。又各以攻城之難易別為五等。敵兵方衆。我兵艱苦攻克者為一等。敵兵雖衆。領兵將帥相機設謀。我兵不甚艱苦攻克者為二等。敵兵雖寡。守禦猶堅。我兵艱苦攻克者為三等。敵兵既寡。領兵將帥相機設謀。我兵不甚艱苦攻克者為四等。敵兵甚少。猶敢抗拒。我兵攻克者為五等。如敵衆據寨築塹。我兵勞力攻克者。量其寨之大。

小。作為城之等第。凡敘登城之功。二等城之一等功。與一等城之二等功同。三等城之一等功。與一等城之三等功。二等城之二等功同。四等城之一等功。與一等城之四等功。二等城之三等功。與一等城之五等功。二等城之四等功。與一等城之三等功同。二等城無五等功。三等城無四等以下功。四等城無三等以下功。凡用雲梯登城者。一等功八旗敘六人。綠營敘五人。二等功均敘四人。三等功均敘三人。四等功均敘二人。五等功均敘一人。八旗領戰官。指示官。射箭官。各敘功。綠營領戰官。皆敘功。指示官。四等以上敘功。五等者不敘。給賞以城之等第為差。八旗克府城者賞五人。州衛城四人。縣所城三人。領戰指

示。射箭各官。及運雲梯人。皆給賞。綠營克府城者賞五人。州城四人。縣衛所城俱三人。用礮攻克者。八旗照雲梯攻城例減一等議敘。給賞不論府州縣衛所均賞三人。管礮官每礮一人敘功。領戰官。指示官。及礮手。皆給賞。如掘陷城垣者。八旗督掘官。視首登雲梯人。前鋒校。護軍校。驍騎校。視末等人。兵視運雲梯人。各給賞。其因礮攻缺。及掘陷登城者。奪門入城者。八旗三人。給賞。領戰官。指示官。皆給賞。綠營先登一人敘功。領戰官亦敘功。**若奪舟。**水戰躍入敵船。敗眾奪獲者。按船大小分為三等。一等船八旗五人。綠營四人。二等船八旗四人。綠營三人。三等船八旗三人。綠營二人。敘功給賞。其躍入平常船。八旗亦三人敘功給賞。八旗領

戰官。同戰官。及前鋒校護軍校驍騎校。照所奪之舟。分別敘功給賞。綠營領戰官。同戰官。均敘功。礮手以礮沈舟者。按舟數多寡。分別敘功給賞。其空船小船。及敗走之船。不在此例。若

招降

八旗統兵大臣。招撫兵船城寨者。各分為六等。招撫王城。或船八十隻。兵三千五百

名以上者。為超等軍功。招撫一等城。或船七十隻。兵三千名以上者。為一等軍功。招撫二等城。或船六十隻。兵二千五百名以上者。為二等軍功。招撫三等城。或船五十隻。兵二千名以上者。為三等軍功。招撫四等城。或船四十隻。兵一千五百名以上者。為四等軍功。招撫有名寨崖。或船三十隻。兵一千名以上者。為五等軍功。其參贊之都統。統領。副都統。及分發將領。並遣往頭

目預事等官。則皆以專條議焉。破陣攻城奪舟。均予議敘。各專條內。有咨

部受職者。八旗分別授一二三等輕車都尉。騎都尉兼一雲騎尉。騎都尉。雲騎尉。綠營分別授參將。遊擊。都司。守備。千總。把總。其八旗之給功牌者。於牌著明某功字樣。或積兩功牌。即准授職。或積兩功牌。准換一功牌。再積所換之兩功牌。即准授職。皆著明定例。不與其餘五等軍功功牌一律計算。

○凡戰陣受傷者。辨其輕重而卹之。

陣傷輕重。定為三等。

分別給與卹銀。八旗官兵。一等傷卹銀五十兩。二等傷卹銀四十兩。三等傷卹銀三十兩。如被遠礮中傷

者。各減銀十兩。牲丁。閒散餘丁。壯丁。一等傷二十五兩。二等傷二十兩。三等傷十五兩。如被遠礮中傷者。各減銀五兩。子弟隨征受傷者。視餘丁。如係奴僕。一等傷十二兩五錢。二等傷十兩。三等傷七兩五錢。綠營官兵。一等傷三十兩。二等傷二十五兩。三等傷二十兩。鄉勇。民壯。土兵。各減半。鄉勇內有係生監者。不減。其受傷未列等第者。各視三等傷卹銀。出征被傷殘廢者。除照陣亡例減半給銀外。仍各按傷痕輕重。分別加減。給與卹銀。巡洋遭風。被困得生者。官准軍功加一級。兵照一等傷例卹銀。內洋內河。被困得生者。官准軍功紀錄二次。兵照二等傷例減半卹銀。擒盜被傷平復者。官兵均照三等傷例卹銀。被傷殘廢者。照一等傷例卹銀。

死事

各卹以其等

陣亡八旗綠營官卹銀。公。侯。伯。領。侍衛內大臣。內大臣。將軍。左副將。

軍。都統。一等子。一千一百兩。二等子。一千五十兩。三等子。一千兩。一等男兼一雲騎尉。九百五十兩。步軍統領。前鋒統領。護軍統領。副都統。一等男。九百兩。二等男。八百五十兩。三等男。散秩大臣。並不管兵之一品官。及提督。八百兩。營總翼長。叅領。總管。副總管。城守尉。協領。一等侍衛。一等輕車都尉。加一雲騎尉。七百五十兩。一等輕車都尉。及總兵。七百兩。二等輕車都尉。六百五十兩。三等輕車都尉。王府長史。一等護衛。並不管兵之二品官。及副將。六百兩。騎都尉。加一雲騎尉。五百五十兩。騎都尉。並不管兵之三品官。及叅將。五百兩。前鋒侍衛。二等侍衛。副叅領。

佐領。四品參領。四品總管。防守尉。管水手。四品官。四百五十兩。雲騎尉。司儀長。二等護衛。四品典儀。並不管兵之四品官。及遊擊。四百兩。三等侍衛。委署參領。防禦。管水手。五品官。閒散。章京。包衣參領。副參領。及都司。三百五十兩。四等侍衛。三等護衛。五品典儀。並不管兵之五品官。及守備。三百兩。親軍校。前鋒校。護軍校。驍騎校。藍翎侍衛。管水手。六品官。六品典儀。六品職銜官。二百五十兩。恩騎尉。七品。八品典儀。七品。八品職銜官。並不管兵之六品官。二百二十兩。守禦所千總。二百兩。營衛千總。一百五十兩。把總。外委。一百兩。參贊大臣。視其本銜。如世職大者。視世職。候補者。視實任官。革職効力之員。照原銜減半議卹。如先經奉 旨賞給頂戴職銜。或

經軍營大臣奏署員缺者。照現在品級議卹。降調効力之員。除奉 旨照原銜議卹外。餘均照所降品級議卹。小銜署大銜之員。奏署者。照大銜。非奏署者。照原銜。奉 旨應陞尚未得缺。在外拔補尚未咨部者。均仍按原銜及本身應得卹賞議卹。軍營賞給空銜翎枝之員。如經奏明奉 旨。准照賞給職銜議卹。兵丁經奏明賞戴藍翎者。照七品以下官議卹。兵丁卹銀。八旗親軍。前鋒護軍。領催。及執纛人。二百兩。馬甲一百五十兩。未披甲。礮手一百三十兩。未披甲。通事一百兩。牲丁。閒散。餘丁。壯丁。照馬甲例減半。子弟隨征者同。奴僕。照馬甲例減半之半。如奉 旨優卹者。親軍。前鋒護軍。領催。視七品以下官。馬甲視領催。綠營額外外委。馬兵。七十

兩。步兵五十兩。餘丁照步兵例減半。子弟隨征者同。奴僕照步兵例減半之半。鄉勇民壯視步兵。鄉勇內有係生監者視馬兵。若兵丁鄉勇民壯應給卹銀。無妻子承受者。給銀二兩。由督撫委官致祭。如奉 旨優卹者。馬兵視外委。步兵視馬兵。受傷定以限。一等傷限六月。二等傷限五月。三等傷限四月。再予以餘限。各如其正限月數。其限內因傷身故者。卹銀與陣亡同。餘限內因傷身故者。官如無人承贖。仍照原受傷等第。再給卹銀一次。兵俱照原受傷等第。再給卹銀一次。其官兵於戰陣時失足滾崖落水。及衝失迷失。查明實係殞命者。亦與陣亡同。或被掠。或衝失迷失。查明無著者。照陣亡例減半給與卹銀。如隨征官兵因公差遣。遇賊被害者。亦

照陣亡例減半議卹。若因放馬割草。私出被遮。並因病遣回。或旋師回營。在途遇故殞命。及非出征官兵。因公差委。遇故殞命者。均照陣亡例減半之半議卹。如巡洋遭風。及領運下場。或因公在大洋大江黃河洪澤洞庭諸湖漂沒身故者。均照陣亡例卹銀。奉調考驗漂沒身故。及在洋漂失查無下落。並在内洋内河海口遭風漂沒身故者。各減半卹銀。舵工水手。係雇募者。八旗照二等傷例卹銀。綠營照步兵例減半卹銀。擒盜被害者。照陣亡例卹銀。傷亡者。亦照傷亡例分限內限外卹銀。如奉調考驗。及因公差委。猝然遇盜。能奮不顧身。殺賊捐軀者。照陣亡例減半卹銀。猝然遇賊被害者。仍照因公遇故殞命例議卹。出征病故者。一二品官卹銀二百兩。

副將及三四品官五十兩。五六品官四十兩。七品以下官三十兩。八旗兵二十兩。如行至五百里以內病故者各減半。行止一二站者不給。立功後病故者係一二品官除給廕外仍卹銀二百兩。綠營兵立功後病故者卹銀十六兩。戍防官兵病故者八旗三品以下官及兵照出征病故例減半卹銀。染瘴身故者並照陣亡例卹銀。土司陣亡傷亡者三品卹銀二百五十兩。四品二百兩。五品一百五十兩。六品一百兩。七品八品五十兩。空銜頂戴及土兵均視八品。出征病故者三四品卹銀二十五兩。五六品二十兩。七八品十五兩。土兵立功後病故者卹銀視官兵之官則半。

錫之爵若廕以逮其嗣。

陣亡官。八旗統兵參贊之都統。綠營提督。授騎都尉兼一

雲騎尉。八旗統領。副都統。綠營總兵。授騎都尉。八旗營總參領以下。有頂戴官以上。綠營副將以下。外委以上。授雲騎尉。襲次完時均給恩騎尉。世襲罔替。候補者視實任官。戰陣時失足滾崖落水。及衝失迷失。實係殞命者均照例給與世職。限內傷亡者同。惟襲次完時不授恩騎尉。屯土官弁授爵視綠營。土司陣亡傷亡者三品至七品俱加銜一等。令其子照加銜承襲一次。八品以下不加銜。立功後病故者照應得之加銜加級紀錄。令其子承襲時隨帶一次。其兵丁從優。八旗照七品以下官。綠營照外委議卹者。不授爵。擒盜被害者與陣亡同。其奉調考驗及

因公差委殺賊捐軀者。減一等授爵。襲次完時。並給恩騎尉。世襲罔替。革職効力之員。照原銜減半議卹者。如原係一二品官。應得騎都尉者。降等授雲騎尉。原係副將及三品以下官。應得雲騎尉者。降等授恩騎尉。均襲一次。軍營因公差遣被害者。減等授爵同。其軍營立功後病故之員。一二品官。應得副將及三品以下官。查覈立功等第。一等二等功。應得七品。三等四等功。應得八品。五等功。應得無品級監生。曾經立功人員。或被掠。或衝失。迷失。查明無著者。亦按立功等第給廕。餘限內傷亡者。一二品官。應得六品。副將及三品以下官。查覈受傷等第。一等二等傷。應得七品。三等傷。應得八品。巡洋遭風。及在大洋大江大湖。因公差委領運下埽漂沒者。八旗三品官。

廕五品。四五品官。應得六品。六品以下官。應得七品。綠營提督總兵。廕都司。副將。參將。遊擊。廕守備。都司。守備。廕衛千總。千總。把總。廕把總。其奉調考驗漂沒身故。及在洋漂失。查無下落。並在內洋內河海口漂沒身故者。各減一等予廕。**兵則贍其屬焉。**八旗兵陣亡傷亡。其父母妻子無養贍者。按月給半餉銀米。迷失衝失。被掠無著者。給與半餉之半。綠營陣傷亡故兵。子弟內可以訓養成材者。即令頂補本兵糧餉。如無子弟。及子弟幼小。亦月給半餉。不扣朋建。遇閏加增。俟子弟年十六以上。堪以食糧之日截止。無子弟者。俟該故兵祖父母父母眷屬亡故之日截止。陣傷亡故官眷屬無依者。亦給與半餉。迷失衝失。被掠無著。所遺眷屬無依者。

給半餉之半。

凡休者退者並覈其功而議卹。

內外一

員老病告休。該旗查明軍功咨部。由部將或給全俸半俸之處。具奏請旨。三品至五品。在

京由該旗咨部。在外由將軍等具題。均由部覈奏。曾經打仗受傷或殺賊捉生者。六十以上給

全俸。五十以上給半俸。打仗受傷殺賊捉生功績俱全者。五十以上亦准給全俸。打仗未經立

功及未經打仗而得有功牌者。六十以上均給半俸。五十以上給半俸之半。受傷三處以上者。

無論年歲及告休勒休。均准給半俸。六品以下毋庸具奏。應否請俸。由部覈題。綠營提督總兵

如一二品旗員例。副將至守備。如三品以下例。千總以下打仗受傷者。如自行辭退。五十以上

給步糧一分。衰老咨革勒休。給守糧一分。受傷三處以上者。無論年歲。係告休。均給步糧一分。

係咨革勒休。均給守糧一分。守備以上立功後告休。因未受傷或年未五十不准請俸者。查無

產業可倚。令子弟一人入伍食糧。無子弟者。均給守糧一分。退甲兵丁曾經打仗立功者。五十

以上。月給銀一兩米一斛。未五十而無子嗣產業可倚者。月給銀一兩。因傷殘廢駁回者。或給

與錢糧。或以老軍補用。曾為護軍校驍騎校者。以各館頭目副頭目補用。綠營効力兵丁年老

解退者。五十以上。月給米三斗。無子弟者。給守糧一分。因傷解退者。無論年歲。均照此辦理。

○凡綠營副將而下。年老則甄別。

副將以下。守備以上。年至

六十三者。由督撫提鎮甄別。分別勒休留任。其
留任之員。再屆三年。復行甄別。仍留任者。送部
引。參將而下保送者亦如之。參將遊擊都司
守備保送候陞

人員。每屆三年甄別一次。千總俸滿者亦如之。千總俸滿送
部引見

回任候題候推。及俸滿留任各員。均再歷三年。
照例甄別。或留任改為保送。候推改為候題。候
題改為即用。或仍留任候題候推。或候題降為
候推。候推降為留任。其年力已衰。及闡茸不振
者。勒令休致。至二次甄別。仍候陞者
咨部註冊。仍留任者送部引見。

○考中外武職官之治昌軍政。軍政在京如文
職官京察在外

如文職
官大計五歲則舉行焉。凡大臣由部疏

聞以候

旨。在京都統。統領。副都統。左右翼總兵為一本。駐防
將軍。都統。副都統。及伊犁。烏魯木齊。巴里坤。古城

土魯番領隊大臣為一本。綠營提督。總兵為一
本。均繕具清單請旨。惟御前大臣。領

侍衛內大臣。內大臣。御前侍衛。乾清門
侍衛。及宗室王公。或大學士。尚書。軍機大臣之

兼都統等官者。不餘則註考而別其黜陟。大門
開列軍政本內。上侍

衛。黏杆處侍衛。由領侍衛內大臣註考。鑾儀衛
章京。由掌衛事大臣。鑾儀使註考。八旗驍騎營

步軍營。火器營。圓明園護軍營。健銳營。由各該管大臣註考。前鋒營。護軍營。由領侍衛內大臣。會同前鋒統領。護軍統領。均造冊送部。王公門上五品以上護衛。由各王公咨報宗人府彙齊送部。均限三月十五日以前到部。各省駐防。由該將軍。都統。副都統。均註考。開封。太原。由該巡撫註考。小九處駐防。由左右翼稽察大臣。會同該管官註考。綠營副將以下。千總以上。京營由提督衙門註考。各省由總督。巡撫。提督。及兼轄綠營將軍。都統等註考。衛所由漕運總督。會同總督。巡撫註考。門千總亦由提督衙門註考。均具題。并造冊。限十月內到部。其冊均開註四格。八旗。曰操守。曰才能。曰騎射。曰年歲。必以行止端方。當差勤慎。弓馬嫻習。馭兵有律。給餉

無虛為合格。綠營曰才技。曰年力。曰馭兵。曰給餉。必以才技優長。年力精壯。馭兵有術。給餉無虛為合格。其舉者為卓異。劾者為貪酷六法。餘為不入舉劾。舉者必歷俸已滿三年。任內雖有降罰之案。係因公註誤。盜案止於罰俸完結者。劾者不謹。浮躁。均令登註款蹟。不入舉劾者。亦令彙冊送部考覈。在京俱仿文職之制。

簡王大臣以閱騎射

在京軍政冊送部後。由部奏派王大臣。按左右翼分四處

考驗。外火器營

圓明園護軍營。健銳營。由

派出之王大臣前往考驗。不造冊送部之宗

室將軍。由宗人府註考。內務府護軍叅領。驍騎叅領。佐領。護軍校。驍騎校。及散秩官。由內務府

註考均咨送 欽派王大臣考驗舉者由部引 見劾者處分並仿文職京察之制若

駐防若綠營皆題而下於部以會覈 各省軍政具題到部

由部會同都察院兵科京畿道察覈題覆舉者行取來京由部引 見劾者處分並如文職

大計之制惟伊犁烏魯木齊巴里坤古城土魯番舉者覆准註冊俟有差便赴部引 見

舉者各限其額 軍政卓異之額在京各衙門各旗營舉者大門上侍衛黏杆處

侍衛鑾儀衛章京均以六十人內舉一人如不及六十人者果有出眾之材亦准舉一人八旗

滿洲驍騎營各五人蒙古驍騎營各二人漢軍驍騎營各三人左右翼前鋒營各三人八旗護

軍營各三人步軍營六人內務府三旗驍騎營二人三旗護軍營四人 圓明園八旗護軍營

四人火器營六人健銳營六人駐防舉者 盛京五人吉林四人黑龍江六人小九處左翼一

人右翼一人密雲二人熱河二人山海關一人察哈爾四人青州合德州一人太原一人綏遠

城合右衛二人開封一人江寧合京口三人杭州合乍浦三人福州一人荊州三人西安四人

寧夏二人涼州合莊浪一人伊犁四人烏魯木齊三人巴里坤一人古城一人土魯番一人成

都二人廣州二人綠營舉者巡捕營守備以上二人千總一人直隸守備以上八人千總四人

山東守備以上三人千總一人山西守備以上四人千總二人河南守備以上二人千總一人

江南守備以上六人。千總三人。江西守備以上三人。千總一人。福建守備以上七人。千總四人。浙江守備以上六人。千總三人。湖北守備以上三人。千總一人。湖南守備以上四人。千總二人。陝西守備以上七人。千總二人。甘肅守備以上九人。千總三人。四川守備以上五人。千總三人。廣東守備以上九人。千總四人。廣西守備以上四人。千總二人。雲南守備以上五人。千總二人。貴州守備以上六人。千總三人。山東河標合河營一人。河南河營一人。江南河標合河營守備以上二人。千總一人。漕標一人。衛所守備二人。千總六人。成都軍標一人。西北兩路各處駐劄屯田官員。各凡八旗世爵官。三歲則考焉。八旗世爵准舉一人。

不入軍政。每屆三年。由該管大臣考驗騎射清語。優者列為一等。帶領引見。准其紀錄二次。中平者仍留世爵當差。其騎射清語生疎。年歲尚壯。堪以教訓者。罰俸一年。仍留世爵。如下次考驗。仍復不堪。綠營間於軍政之年。有舉劾。即革爵。另行承襲。各省副將以下。千總以上。軍政後二年。半舉劾一次。舉者。由總督巡撫察其賢能。并無違礙事故者。每省准以一二二人。專疏保題。送部引見。奉旨准其薦舉。回任候陞者。入薦舉班用。劾者。照軍政處分。



